



Pynlong ka Khasi Department, St. Edmund's ia ka pyninam durim ba kyrteng ka 'Apot'

Shillong, Jymmang:

Ha ka Lyngkhuh Shispah Snem jong ka St. Edmund's College, ka Khasi Department ka la pynlong ka pyninam durim ka ba kyrteng 'Apot' ba la pynmih bad lam kynto da u Bah Raphael Warjri. Ha katei ka sngi, u Bro Simon Coelho, Principal u la long u Kongsan bad u la pyllait ia ka thup sahnam 'Rynsan' bad iaroh ia ka Khasi Department ka ba la mait phang kum kine ki kam ki ba myntoi ia ki samla pule. Ki kynrem lyndan ba la ia don lang ha katei ka sngi ki long u Bah R V Warjri, Prof Antonette Kharmalki na Khasi Department NEHU, Padmashree Kong Patricia Mukhim, Taithoh kot khubor, The Shillong Times, Bah Bobby S Basan, Khliehduh jong ka Khasi Department bad ki para nonghikiai. Ha ka ba sngewnguh artat ia ka Riti Academy, u Bah Bobby S Basan u la kyntu ia la ki samla pule ban khmih sani ia ka durim khnang ban pynkhrav ia la ka jingtip ha ki liang bapher bapher.



Society.

Ka durim Apot ka dei ka ba la shna katkum ka khatanang shaphang u Tiewlarun ba la sot na ka u Rabon Sing Kharsuka, hynrei la pynwandur hi da u Lamkynto katkum ba dawa ka khana khlem da kynriah na ka pdeng khana puriskam. Kumta ym shym la kyndat ia ka khana pdeng, hynrei la bynrap ki snap jong ka deiti Khasi ki ban pynphuh pynphiang ia ka durim. Ka ktien durim bad ka pharshi jong ka khana puriskam ka dei ka ba la pynbit pynbiang hi da u Bah Raphael Warjri, ha ryngkat ba ia syllok bad u Rembrandt Iakmenlang Kharna-ior, Lamkynto Durim bad u Bah Banjop Leo Kharmalki, Symbud nongkyrsei.

Ki ba la iadon lang ha katei ka sngi ki long ki tyngshop bad puron, Synranki Najiar bad Darhun Marbanian, ha ka ba la ioh ban ia pashat jingmut lang bad ki samla pule jong ka College.

Plie ka tnat Commerce, Thomas Jones Synod College ia ka lad pule Tally ERP.9

Jowai, Jymmang:

Ka tnat Commerce jong ka Thomas Jones Synod College, Jowai ryngkat ka jingiatreilang ka Career Guidance & Placement Cell TJSC ka la plie ia ka lad/kyrdan pule kaba tip kum ka Tally ERP.9 ha Thomas Jones Synod College lyngba ka jingkyrshah na Meghalaya State Skill Development Society (MSSDS) na bynta ki samla jong ka West Jaintia Hills District.



Ia kane ka lad jingpule pule la plie da u kongsan, u MLA ka Jowai u Wailadmiki Shylla haka jingdonlang u symbud kongsan u Deputy Commissioner ka West Jaintia Hills District u B. Sohliya, ki nonghikiai ka Thomas Jones Synod College, ki samla pule ha ka jingialang kaba la pyniaid da ka Kong T. Bareth Librarian ha Hall ka Thomas Jones Synod College ha ka sngi Thohdieng.

Ka CS. Phawa Head of Department Commerce ka la iaathu ba ka thong jong ka jingai jinghikiai ka long na bynta shisnem bad yn phiah ha ki ar 'batch mar 30 ngut ha ka shi 'batch' bad baroh 60 ngut ki samla pule kim donkam ban siew eiei. U Wailadmiki Shylla ha ka jingkreun u la ong ka MSSDS ka la wanrah shibun ka jingmyntoi ia ki samla ha kane ka juk kyrduh kam lyngba ki jingai jinghikiai pyntbit ha kiba bun ki jait kam khnang ba kin lah ban ieng da kaba iaad ryngkat bad ka jingstad jong ka juk ba mynta.

U la ong ka jylla ka don ha ka jingkyrduh kam jong ki khun samla bad ka sorkar ka la pyrshang ban wad ki lad ki lynti da kaba pynlong ia ki prokram ai jinghikiai kaba lah ban kyrshah ia ka jingim bad ka lawei ki jong ki khun samla ka jylla.

U la kyntu ia baroh ki nongwan sha kane ka jinghikiai ei, ba kin shim ia kane ka kabu khlem da pynsep ei ia ka por.

Ka jingdawa jong ngi ka long ka bhah kat kum ka jingdon paid hynrei ki khlem shym la leh kumta: Ardent

Shillong, Jymmang:

"Ka tynrai jong ka jingeh ka mih na ka Reservation Policy, ka bhah thungkam jong ka sorkar jylla kaba la saifndur la 50 snem tam eiei ka don ka jingduna kaba khrav," la ong u Bah Ardent Miller Basaiawmoit, President ka Voice of the People Party (VPP) ha ka jingialang paidbah ha jaka pynieng kali hajan Additional Secretariat ha ka Sngi Thohdieng ban pynshai kham bha halor ka jingdawa jong ka seng ha kaba iaidei bad ka Reservation Policy.

long 40:40 bad dei hangta ba ngi duhnong kum ka jaitbynriew," u la ong. Shuh shuh u Bah Ardent u la ong ka VPP da lei-lei kan yn kynran dien bad ka long kaba sngewsih ba ka sorkar kam treh ban iakren ia ka bhah thungkam thungiam.

Lada la iakren halor kane ka mat yn sa lap shai ia ka jingleh buit tuh jong ka sorkar MDA-1 bad ka sorkar MDA-2 lyngba ka Office Memorandum (OM) ha u snem 2022 kaba la pynkylla ia ka Reservation Policy ban pynduhnong ia ki samla bad ban buh ia ka bhah kumba ka long.

"Ngi pynrem ia ka jingbym sngewthuh jong ka sorkar MDA bad kumba ka long ngin iakhih haduh ba ngin da ioh ia ka jingjop bad kum ka seng kam lah ban shu sngap ba ka sorkar kam leh katba mon," la ong u Bah Ardent.

Ioh kem ki pulit Assam sa ia uwei u dkhot ka PFI na Kamrup

Guwahati, Jymmang:

Ki bor pulit jong ka jylla Assam ha ka 17 tarik mynta u bnai ki la pynthip ba ki la ioh ban kem sa ia uwei u dkhot jong ka Popular Front of India (PFI) na ka thaini Nagarbera, Kamrup district.

U dkhot ka PFI u ba la shah kem ha katei ka sngi u dei u ba la tip kyrteng kum u Abdul Razzaq Ali. Halor katei ka jingia, na ka liang u Mirel Ahmed, Officer-in-Charge jong ka Nagarbera PS u la pynthip ba u Abdul Razzaq Ali u dei uwei na ki runar u ba la donkti ban phet rich na ka kti jong ki bro pulit la slem, bad ia u la ioh ban kem na ka iing sah kaba don ha ka thaini Polahartari. Na ka liang u heh pulit u la pynthip shuh shuh ba ka tnat pulit kam dang bteng ban pynlong ia ki jingkhynra pyrshah ia ki dkhot ka PFI ha ka jylla Assam. U la pynthip ruh ba ki dang don katno katne ngut ki dkhot ka PFI kiba dang trei kam ha ka thaini Nagarbera bad na ka liang ki bor pulit ki dang pynbteng ia ki kam khynra khnang ban ioh kem noh ia ki baroh.

Wer pynrung kyrteng u DC na ka bynta ka "Padma Awards"

Shillong, Jymmang:

Ka shlem trei kam jong u Deputy Commissioner ka East Khasi Hills District ka la pynbna paidbah ba ia ka khusnam Padma Vibhushan, Padma Bhushan bad Padma Shri yn sa pynbna ha ka sngi ban rakhe ia ka Republic Day, 2024.

Ia kitei ki khusnam la sam kum shi bynta ban pynioh ia ka jingithuh na ka bynta ki kam khrav ha ka liang ka thoh ka tar, ka pule puthi, ki jingialehka 'sports', ki kam sumar sukker, ki kam ai jingiarap ha ka imlang ka sahlang, ki kam ba iadei bad ka 'science' bad 'engineering', 'civil service', kam khaai pateng bad kiwei kiwei. Ia kitei ki khusnam yn sam ha kito kiba dei hok ban ioh ia ka khlem da peit shiliang khmat.

Ki nongshong shnong ka East Khasi Hills kiba thrang ban pynrung kyrteng na ka bynta kitei ki khusnam kin lah ban phah ia ki kyrteng jong ki sha ka shlem treikam jong u Deputy Commissioner ka East Khasi Hills District, Shillong ha lane shwa ka 18 tarik u Nailar, 2023.

Ia ki jingtip kiba kham bniah yn lah ban ioh na ka website jong ka district: http://eastkhasihills.gov.in.

Yn set phatok ia 2 ngut ki heh sorkar barim ba donkti ha ki kam bam sap

Aizawl, Jymmang:

Ka Special Court (Prevention of Corruption Act) na ka nongbah Aizawl ha ki khyndiat sngi kiba la leit noh ka la tian bishar bad pynmih da ka rai ban set phatok da 4 snem bad 1 snem ia ki 2 ngut ki heh sorkar barim jong ka jylla na ka daw jong ka jingdonkti jong ki ha ki kam bam sap.

Ki 2 ngut ki heh sorkar barim jong ka tnat koit khiah ka jylla kiba la shah tian bishar ha ka iing kashari ki kynthup ia u Dr N Palai (National Rural Health Mission) bad u Lalsangliana Chhakchhuak (EE, Directorate of Health Services). Na ka liang u nongiasaid ba kyrpang jong ka iing kashari - HTC Lalrinchana u la shem bad kitei ki 2 ngut ki la donkti ban pynonkam bakla ia ka pisa kaba la kot palat T.29.4 lak kaba la mang hapoh ka NHRM na ka bynta ban tei pynbha ia ka Aizawl Civil Hospital ha u snem 2007. Kitei ki 2 ngut ki la shah rai pynrem hapoh ka section 13 (2), 13 (1) (c) (d) jong ka Prevention of Corruption Act, 1988 bad hapoh ka section 471, 477A bad 120B jong ka Indian Penal Code.

Na ka liang ka iing kashari ka la pynmih da ka rai ban set phatok 4 snem ia u Palai bad 1 snem ia u Chhakchhuak. Ka iing kashari ka la daiñ kuna ruh haduh T.24 lak pyrshah ia u Palai bad lada um lah ban siew, ia ka jingshah set phatok yn pynjan haduh 12 snem. Shuh shuh ka la daiñ kuna ruh T.6 lak pyrshah ia u Chhakchhuak, bad lada um lah ban siew, ia ka jingshah set phatok yn pynjan haduh 3 snem lynter.

Khlad noh u shipai Assam Rifles ba mynsaw na ka jingshah thombor

Imphal, Jymmang:

Ki bor sorkar ka tnat shipai Assam Rifles ha ka 18 tarik mynta u bnai ki la pynthip ba uwei napdeng ki shipai uba la ioh ia ki jingmysaw na ka jingshah thombor ha ki kynhun kieng atiar jong ka jylla Manipur u la khlad noh ha ka sngi Balang mynta ka taiew.

Utei shipai u dei ba la tip kyrteng kum u Alok Rao bad u la ioh ia ki jingmysaw kiba jur na ka jingshah thombor ha ki kynhun kieng atiar ha ka 10 tarik mynta u bnai ha kawei ka shnong kaba don ha ka thaini Senapati District.

Katkum ka jingithuh jong ki bor sorkar ka tnat Assam Rifles ki la pynthip ba utei u shipai u la khlad noh hapdeng ka jingshah sumar ha Command Hospital, Kolkata.

Pynhap pyrda noh ka SPARK ia ka rynsan ai jinghikiai ba shibnai

Shillong, Jymmang:

Ka SPARK ha ki khyndiat sngi kiba la leit noh ka la pynhap pyrda noh ia ka prokram ai jinghikiai kaba shi bnai na ka bynta ki khynnah samla kiba pule ha ki Out of School Children Centres jong ka SPARK. Ia katei ka prokram la pynlong ha ryngkat ka jingioh ia ka jingkyrshah na ka shem treikam jong ka Samagra Shiksha bad na ka tnat pule puthi jong ka sorkar Meghalaya. Ia ka prokram la pynlong ha ka shnong Rangmen, Ri-Bhoi District bad ha Bara Bazaar Slum, East Khasi Hills District.



Ka President kaba dei ruh ka nongseing jong ka SPARK - Shima Modak ka la pynthip ba ka thong kaba hakmat eh ba la pynlong ia katei ka prokram ka long ban ai bad pynbiang ia ki jinghikiai na ka bynta ki khynnah samla khnang ba kin lah ban ieng ha la ki jong ki kjat ha ka liang ka kamai kajih khnang ba kin lah ban kyrshah bad nohsynniang ia la ki jong ki iing ki sem. Na ka liang ka Modak ka la pynthip shuh shuh ba ia katei ka prokram la pynlong kum shi bynta ban iarap ia ki khynnah samla ha kaba iaidei ba ka seng kam seng jam khnang ba kin lah ban noh synniang lem sha ka ioh ka kot jong ka jylla bad kumjuh ruh jong ka ri hi baroh kawei.

U Kongsan u ba la wan ban iashim bynta ha ka sngi ba la pynhap pyrda ia katei ka prokram - Swapnil Tembe, IAS, State Project Director jong ka Samagra Shiksha, Sorkar Meghalaya bad kiwei kiwei ki heh sorkar jong ka tnat Pule Puthi jong ka jylla ki la sam ruh ia ki synrot sha baroh ki khynnah kiba la wan ban iashim bynta bad pyndep ia ki rynsan ai jinghikiai.

Wan ai jingai jingkyrshah u Amazing, President HITO & Metbah ia ka phlim 'Ehrang' ha Bijou

Shillong, Jymmang:

U khlur ialap ilekshon uba tbit bha ban kren ha ka jingialang paidbah jong u kyrtong ka UDP ha Sohiong konstittwensi, u Bah Amazing Kurbah u la wan pynjah thait ialade ha Bijou cinema Shillong ban peit ia ka phlim 'Ehrang' kaba la sdang pyni mynta ka sngi ka 19 tarik Jymmang 2023 hadien ba u la bunkam ha ka ilekshon MLA ba dang shu dep.

U Bah Amazing u la pynpaw ba mynshwa mynba u dang leit shim bynta ha jingiakop shad u kwah ban ak phlim ban sah jingkyrshah. Dei na kata ka daw u kwah ban ai mynsiem ia ki phlim Khasi da kaba wan kiew ha Bijou Cinema, Shillong.

Kumjuh ruh u President ka Hyn-ntwetre Integrated Territorial Organisation, Bah Donbok Dkhar ryngkat ki dkhot ki la leit sha Bijou Cinema, Shillong ban leit ai jingkyrshah ia u para dkhot, u Shongdor Thabah uba bat kum u Publicity Secretary ka HITO uba shim ia ka bynta kum u tyngshop.

Hashwa ban sdang ka phlim uwei u dkhot u la ioh ban rwai phawer ban

Shiksha, Sorkar Meghalaya ha ka jingai jingkreun jong u, u la pynpaw ia ka jingkreun kaba khrav ba ki khynnah pule ka Out of School Children Centre ki la wan ban iashim bynta shitrhem ha katei ka prokram kaba dei na ka bynta ka bha ka miat ka jong ki. U la shim ruh ia ka lad ban pynlong ia ka jingiasyllok bad ki nongwan iashim bynta bad lum jingtip halor ki mat kiba iaidei bad ki lad pule puthi kiba la lah ban wanrah ia ka jingkylla ha ka jingim jong ki. Kiwei kiwei ki 'riew pawkhat kiba la wan ban iashim bynta ha katei ka prokram ki kynthup ia ki State Coordinators bad ki nongtrei ka Samagra Shiksha, Sorkar Meghalaya; ki nongialam shnong bad kiwei kiwei. Ha katei ka prokram, ki la don kumba 40 ngut kiba la wan ban iashim bynta.

Ha katei ka prokram, na ka liang u Swapnil Tembe, IAS, State Project Director jong ka Samagra Shiksha, Sorkar Meghalaya bad kiwei kiwei ki heh sorkar jong ka tnat Pule Puthi jong ka jylla ki la sam ruh ia ki synrot sha baroh ki khynnah kiba la wan ban iashim bynta bad pyndep ia ki rynsan ai jinghikiai.

Utei jingai jingkyrshah u Amazing, President HITO & Metbah ia ka phlim 'Ehrang' ha Bijou pynkmen ia ki para dkhot katba dang ap ban rung hapoh hall.

U Bah Donbok Dkhar, President ka HITO u la ong ba donkam ban ai mynsiem ia ki samla Khasi ban ia kiew ha la ka jong ka sap ha ki kam ak phlim.

Katba u President ba rangbah ka UDP, Bah Metbah Lyngdoh uba dei ruh u MLA ka Mairang, u la ban peit lang ia kane ka phlim ha kane ka sngi.

Na ka liang une u President ka UDP u la ai jingiaroh ia kane ka phlim kaba long shisha kaba itynnad.

Ia kane ka phlim la ak da u Shongdor Thabah kum u tyngshop bad ka Iba Rwiang kum ka puron, kynthup ia u Bah Kerbor Kurbah, Bah Micky Lyngdoh ba la direk da u Bah Roping Lawrynniang.

Kiwei kiwei ki paidbah kiba la wan peit ia kane ka phlim ki la ai jingiaroh ia ka jingitynnad ka khana.

Na ka liang u Bah Keebor Kurbah uba tip kum u Marangbah u la pynpaw ka jingsngewkmen haba u Amazing Kurbah uba la paw ha social media u la wan ban ai mynsiem ia ka phlim kaba ma u, u la ak bad u don jingkyrmen ba ki paidbah kin wan ban ai jingkyrshah.

Advertisement for STAR CEMENT LIMITED. Includes company logo, contact information (CIN: L26942ML2001PLC006663, Regd. Office: Vill.: Lumshnong, PO: Khaliehriat, Dist. East Jaintia Hills, Meghalaya - 793210, Phone: 033-24015555, Email: investors@starcement.co.in; website: www.starcement.co.in), and a detailed financial results table for the quarter ending 31.03.2023. The table compares standalone and consolidated performance across various metrics like revenue, profit, and expenses.